

Kontuola

ANTZUOLA / Egubakoitza / 2003ko irailaren 26a / 171. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

UEMA Antzuolarako plana egiten hasi da

AINTZANE IRIZAR

Apirileko osoko bilkuran erabaki zuen udalbatzak Antzuolako Udala UEMAn sartzea, Udalerri Euskaldunen Mankomunitatean. Eta oraingo astean bertan hasi dira lanean UEMako teknikariak: hain zuzen, Antzuolarako euskara plana jarriko dute abian.

Gaur egun 50etik gora udalerririk osatzen dute Udalerri Euskaldunen Mankomunitatea, tartean Antzuola. UEMaren helburuak dira udalerririk horietan egiten den bizimodu soziala euskaraz egin dadin bideak eta baliabideak jartzeko, euskara nagusi izango den lurgunea sortzea eta udalerririk horien garapen sozioekonomiko eta soziokulturala bultzatzea.

Helburu horiek lortzeko lan-kidetzan dihardute Udaleko eta UEMako teknikariak, eta oraingo astean bertan ekin diote euskara plana diseinatzeke lanari.

UDALARENDAKO PLANA

Lehenengo urratsa izango da Udalarendako berarendako plana egitea; izan ere, eta kontuan hartuta UEMA udalez osatutako mankomunitatea dela, Udalak herritarrendako eredu izan behar du. Udal barruko funtzionamendua euskaraz izango dela bermatzeko egingo dute plan hori, Udaleko langile eta politikari guztiak kontuan hartuta. Eta dagoeneko egin dute plan horren bidegarritasun txostena.



Udalak euskaraz funtziona dezan plan bat egingo du UEMAK.

MERKATARITZA KANPAINA

Udalarendako euskara plana egiteaz gain, UEMAK herriari begira ere egingo du lan. Horrela, merkataritza kanpaina abian jartzeko asmoa dauka. Kanpaina horren bitartez, herriko merkataririk guztiei doako euskara zerbitzua eskainiko diete: besteak beste, itzulpen zerbitzua eta dendako kartelak, ordutegia eta oharrak euskaraz jartzeko laguntza. Kanpaina horren gaineko azalpenak emateko herriko denda guztieta-

ra joko dute planaren arduradunek datozen egunotan.

UEMAk, dena dela, bestelako zerbitzuak ere eskaintzen ditu: esaterako, euskarazko kultura zerbitzua eskaintzen du, Kultura Elejira izeneko egitasmoaren bitartez. Herri txikiak kultura sorkuntza handitzea da egitasmo horren helburua.

Bestalde, aipatzekoa da transmisio kanpaina abian jartzekoa dela UEMA, ume jaioberrien gurasoei zuzenduta.

HIRIGINTZA

Aukeratu dute alde zaharrerako lurzorua

AINTZANE IRIZAR


Buztinzuri kalean lurzoru berria jarri behar zutela eta, lurzoru moten erakusketa jarri zuten irail hasieran udaletxean. Helburua zen herritarren iritzia ezagutzea. Jende ugari ibili da aukeran zeuden lurzoru motak ikusten, baina ez dira horrenbeste izan botoa eman dutenak.

Hala, Udaleko arduradunek dagoeneko hartu dute erabakia: bozketan bigarren postuan geratu zen aukera, hain zuzen ere.

Espaloia granito itxurakoa izango da, harri artifizialekoa, hondar kolorekoa. Bidea, berriz, hormigoiz zaharkituaren itxura-

koa izango da. Zenefak, azkenik, granito itxurakoak izango dira, gris kolorekoak. Zenefak ez dira elementu estetiko hutsak izango; alde batetik, ikusmeneko arazoak dituztenendako erreferentzia izango dira, espaloia eta bidea bereizteko, esaterako. Bestetik, aparkalekuetako marren funtzioa beteko dute. Berehala hasiko dira lurzorua jartzen. Esan beharra dago antzerako lurzorua dagoela Bergarako Munibe plazan eta Iparragirre pasealekuan.

Denborarekin, Antzuolako alde zaharreko kale guztietan jarriko dute lurzoru bera. Gainera, noranzko bakarra izango du laster Buztinzurik.



Imitaziozkoa, baina kalitate oneko materiala erabiliko dute lurzorua berritzeko.

AITZ-GARBI



taberna
jatetxea

Pintxoak eta
kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA

MUJIKA HARATEGIA



Berezitasunak:
Etxean hazitako
zekorrek eta oilaskoak

Kalebarren, 1.
ANTZUOLA
Tf. 943 76 64 34

LEKY-BERRI MERENDEROA

Janariak
eta
edariak

Tf. 943 76 60 94
ANTZUOLA

LABUR

Pintura ikastaroan ibilitakoen margolanak ikusgai jarriko dituzte asteburuan

Urtero antolatzen du Udalak pintura ikastaroa. Iazko ikasturtean ikastaro horretan ibili zirenek egindako margolanak ikusgai egongo dira asteburu osoan. Antton Arrillaga pintorea izan zuten ikastaroko irakaslea, eta aurtengo ikasturtean ere Antton bera dabil irakasle. Olanan etxeko erakusketa aretoan bihar, zapatua, eta etzi, domeka, egongo da zabalik erakusketa hori; goizez, 12:00etatik 14:00etara eta arratsaldean, 18:30etik 20:00etara. Ez dituzte ikasturtean barrena egindako margolan guztiak ikusgai jarriko; 15 edo 20 margolan inguru jarriko dituzte.

AZPIEGITURAK

Beasain-Durango autobiarri hainbat alegazio egin dizkiote

AINZANE IRIZAR


Irail hasieratik ikusgai dago Beasain-Durango autobiarri Zumarraga eta Bergara arteko zatiaren maketa udaletxeko osoko bilkuren aretoan. Proiektua kontsultatzeko aukera dago, eta dagoeneko 11 herritarrek egin dizkiote alegazioak proiektu horri.

Hilabete honetan bertan bukatuko da proiektuari alegazioak egiteko epea. Maketa eta proiektua ikusgai egon diren bitartean, Udaleko Hirigintza Saileko arduradunek aholkularitza zerbitzua eskaini diete alegazioak aurkeztu nahi zituzten herritarrei.

Epea bukatzera doan honetan, hamaika herritarrek aurkeztu dituzte alegazioak. Era berean, herriko enpresa nagusiek alegazio bateratua aurkeztu diote Diputazioari. Azkenik, Udalak berak ere alegazio sorta bat prestatu du eta Diputaziora bidali.

DESKARGAKO LOTUNEA

Udalak aurkeztutako artean, aipatzekoa da Ipurrietekako lotu-



Hilabete osoan egon da ikusgai Zumarraga eta Bergara arteko zatiaren maketa.

neari dagokiona. Proiektuaren arabera, lotune horrekin, Zumarraga alderako norabidea bakarrik har daiteke; hau da, ezin izango da Bergara aldera sartu. Azken aukera hori ere ematea eskatu du Udalak.

Bestalde, ingurumen-inpaktuarekin arduratuta dago Antzuolako Udala, paisaia eta base-rietan autobiarriak izan dezakeen eraginarengatik. Autobia egiteko epeen gaineko alegazio bat ere aurkeztu dute.

HERRITARREN HITZA / Jose Mari Ugalde · Erretiratua

Agur, irakurleok

Uzta aldi luze samarra izan ondoren, nire iritzi apurrak adierazi nahi nizkizueke.

Badakit inor ez litzatekeela ohartuko ezer falta denik, irakurleok ez baitzuen gauza berririk aurkituko nire iritzi ez beti egokienak.

Orain, Erretiratuen Elkarteak Batzordea berritu egin da eta oso atsegin zait aldaketa horrekin batzordeak udaletxearekin izan behar dituen harremanak bide onetik doazela jakitea. Egoitza zaharra kendu dute, beraz, berria hurbiltzen doala esan daiteke. Baita aspalditik ditugun beharrak ere. Eguneko zentroa eta etxebizitza babestuak sortzeko bideari eutsi behar diogu eta hori bultzatu behar



“Kirol hizkuntzan esaten den moduan, testigua pasatzera noa”

dugu, denok bizkarra arrimatuz.

Gure eskualdeko gaietan ere egon da halako utzialdi bat eta iritziak bateratu ezin bat, baina, zorionez, badirudi antzu aldi hori bukatu dela; hasiak dira sukaldaritza lehiaketak eta abar mugitzen. Hain zuzen ere, patatak errioxar erara prestatzeko lehiaketa antolatu zuten, eta hor non antzuolarrak sukaldari on bezain alaiak diren. Mari Kruzek eta Juanitak irabazi zuten. Bejondeizuela eta zorionak, bihotz-bihotzez.

Eta, kirol hizkuntzan esaten den bezala, testigua pasatzera noa eta lasai egoteko adierazi nahi dizuet;

izan ere, hurrengo eskua nirea baino egokiagoa eta finagoa izango da. Agur eta betira arte.

KIROLA

PARTIDUAK

FUTBOLA

Irailak 27

16:30: Antzuola-Urki (Gazteak)

Irailak 28

11:30: Antzuola-Elgoibar (Neskak)

EMAITZAK

FUTBOLA

Eibartarrak 2 Antzuola 5 (Kadeteak)

Ikasberri 3 Antzuola 1 (Gazteak)

Antzuola 5 Arrate 0 (Erregionalak)

Arrolak mendi bizikleta irteera egingo du

Urriaren 12an egingo dute irteera hori Nafarroan; Beratik Doneztebera joango dira mendi bizikletaz. 22 kilometro ditu ibilbide horrek. Bizikletan baino, oinez ibiltzea nahiago dutenek, bestalde, ibilaldi laburrago bat egiteko aukera izango dute inguru hartan. Garai baten trenbidea izandako bidetik egingo dute ibilaldi hori, Bidasoa ibaiaren ertzetik; izokinak ibaian gora ikusteko aukera ere egongo da. Martitzenean, hilak 30, eman dezakezue izena, 19:00etatik 20:00etara.

LARREA

TABERNA

Kalebarren 17
ANTZUOLA

zabalo

IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**

Juan Cruz

ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak

BITXITEGIA
Marrokineria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA